

24.13.50 Akileraatarnermi akitsuusiisarnermilu isertitaqarnerulernissamut sillimmatit (Isertitatut aningaasaliissutit)
Missingersuutit immikkoortiterneri

	AS 2015	M 2016	M 2017	M 2018
	-- 1.000 kr. --		---- mio. kr. ----	
Ilanngaaseereerluni isertitat	0	20,0	20,0	20,0

Allannguutissatut siunnersuut manna aqqutigalugu isertitassatut sillimmatit 2016-imit 20 mio. kr.-nik ikilisinniarnearput, tassa AIS2015-ip aappassaaneerlugu suliarineqarnissaanut allannguutissatut siunnersuutip tamarmiusup IST-mut sunniutaasa nassataannik.

Missingersuutitut ilanngussani oqaasertaliussanut uku taarsiuteqquneqarput:

"

Konto pingaarnermut matumunnga 77,5 mio. kr.-it 2016-imit isertitassatut sillimmasiunneqarput.

Isertitassatut sillimmatit Pituffik (TAB) pillugu kiffartuussinissamik isumaqatigiissutip ingerlatseqatigiiffimmut amerikamiunit pigineqartumut danskilli suliffeqarfiutaattut nalunaarsorneqarsimasumut tunniunneqarneranut atatillugu isigineqassapput, tassa kiffartuussinissamik isumaqatigiissut maannamut kalaallit-danskit ingerlatseqatigiiffiutaannit isumagineqarsimagaluarpoq.

Kiffartuussinissamik isumaqatigiissutip Amerikamiut ingerlatseqatigiiffiannut tunniunneqarnerani Namminersorlutik Oqartussat isertitassatut annaasaat aningaasanut inatsisissatut siunnersuummi matumani ukiunut missingersuusiorfiusunut 2016-2018-imut akileraarutitut a-tut, ingerlatseqatigiiffiit akileraarutaattut iluanaarutinillu akileraarutitut, kiisalu ingerlatseqatigiiffiit namminersorlutik oqartussanit pigineqartut iluanaarutaattut aningaasaliissutitut ilanngunneqarput.

Kiffartuussinissamik isumaqatigiissutip ingerlatseqatigiiffimmut amerikamiunit pigineqartumut tunniunneqarnerani Namminersorlutik Oqartussat isertitassatut annaasaat konto pingaarnermi matumani isertitassatut sillimmatigisanit annertunerungaartut nalilerneqarpoq.

Konto pingaarnermi matumani isertitassatut sillimmatit qanoq annertutiginissaat aningaasanut inatsiseqarfiusuni 2015-2018-imi ingerlatsinermi sanaartormermilu aningaasartuutit isertitallu (IST-mi angusat) oqimaaqatigiissinneqarnissaannik Naalakkersuisut kissaateqarnerat eqqarsaatigalugu aalajangerneqarpoq.

Isertitassatut sillimmatit assersuutigalugu nuna tamakkerlugu akileraarummik qaffaanikkut ikummatissanulluunniit avatangiisinut akileraarummik qaffaanikkut piviusunngortinniarnearput.

"